



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**IGREYIDI 12**

**ISINDEBELE ILIMI LOKUTHOMA LOKWENGEZA (FAL)**

**IPHEPHA LOKUTHOMA (P1)**

**NOVEMBA 2021**

**UMHLAHLANDLELA WOKUTSHWAYA**

**IMITLOMELO: 80**

**Umhlahlandlela wokutshwaya lo unamakhasi abu-8.**

## ISIGABA A: UKUFUNDA NOKUZWISISA

### UMBUZO 1

#### Ukutshwaywa kwesifundo sokuzwisia

- Ngebanga lokobana umnqopho omkhulu ukuzwisia, amagama angakapeledwa kuhle neemphoso zelimi eependulweni azingajezisa ngaphandle kobana mhlamunye iimphoso ezenziweko zitjhugululanofana zilahlekisa umqondo/ukuzwisiseka kwependulo. (limphoswezo kufanele zitjengiswe/zivezwe).
- Nangabe umfundi usebenzise amagama avela kamanye amalimi angasi ngewelimi ahlolwa ngalo, ungawatjheji/eqisele amehlo amagama lawo, nangabe amagama lawo anemba ipendulo, ungajezisi. Kodwana nangabe etheksthini kusetjenziswe igama elivela kwelinje ilimi begodu lifanele libe yipendulo, lamukelekile.
- Imibuzo evulekileko efuna iimpendulo ezifuna **u-iye**nofana **awa**, **ngiyavuma**nofana **ngiyaphika**, **liqiniso**nofana **mbono**, **liqiniso**nofana **akusilo iqiniso**,**kulungile**nofana **akukalungi**, **mbono**omuhlenofana **akusimbono**omuhle,**sisenzo esihle**nofana **sisenzo esimbi**azinikelwa umtlomelo kodwana ktlonyeliswa ukusekela kwaphela (**IMITLOMELO YOKE NGEYOKUSEKELA**).
- Nangabe kulindeleke ipendulo yegama elilodwa kodwana umfundi unikele umtjho woke, mtlomelise nangabe igama eliyipendulo enembako ulithalele/uligwale ngepeni enombala ohlukileko (highlighted).
- Nangabe kufuneka amaphuzu amabili/amathathu kodwana umfundi unikele amanengi, kwaphela tshwaya wokuthoma amabili/amathathu.
- Yamukela ukuhlukana kwelimi lesiphande (isiNzunza nesiNala).
- Emibuzweni la kukhethwa khona ipendulo enembako, yamukela KOKUBILI iledere elikhambisana nependulo ekungiyi NOFANA ipendulo etlolwe ngokuzeleko.

- 1.1      1.1.1    UHector wakhupha idzilamnwana waguqa ngamadolo wabawa uNonhlanhla bona amtjhade. (1)
- 1.1.2    Unobangela owenza bona uHector athengele uNonhlanhla idzilamnwana etja kukobana idzilamnwana amthengela yona ekuthomeni bekungasiyo ebiza imali enengi. (1)
- 1.1.3    Abosaziwako, abavumi, amakhamphani amakhulu kanye nomphakathi bafaka isandla/banikela ngezinto ukwenzela bona umtjhado lo ube yipumelelo. (2)
- 1.1.4    Unobangela wokufakelwa kwedzilamnwana le esitolwesi kukobana umkakhe uyakuthanda ukudla kwakhona. (1)
- 1.1.5    - Amanda Black.  
                  - Mafikizolo.  
                  - Donald.  
                  - Dr. Tumi.  
(Zimbili iimpendulo kezingehla.) (1)

- 1.1.6 Igama lendawo ebayivakatjhelako yi-Amerika. (1)
- 1.1.7 linthandani ezisetheksthini zahlangana emngcwabeni lapha bekungasimnandi kanti ezinye iinthandani zihlangana eminyanyeni/eenkolweni/emaphathini lapha kumnandi khona. (2)
- 1.1.8 Ngicabanga bona abantwaba bebahlose ukuhlazisa indoda le bona yenzela isenzwesi esitolo esijayelekileko nesinokudla okungabizi khulu.  
(Ipendulo enembako izakwamukelwa.) (2)
- 1.1.9 B/Bayokukhwela isiphaphamtjhini. (2)
- 1.1.10 Ngicabanga bona iinthandanezi bezisaba bona nange kungavunyelwa woke umuntu kungacina kungasanabususo benyawo./Bengeze kwaba nelawulo elifaneleko.  
(Ipendulo enembako izakwamukelwa.) (2)
- 1.1.11 Ikulumo le ihlathulula bona itjhudu lavelela abantu egade balithoga kwamambala.  
(Ipendulo enembako izakwamukelwa.) (2)
- 1.1.12 Akusilo iqiniso bathoma ngokwenza umtjhado wesintu, bebefaka nedzilamnwana etjhiphileko.  
(Ipendulo enembako izakwamukelwa.) (2)
- 1.1.13 Ngiyavumelana nesenzo samaSewula Afrika sokusiza iinthandani ebangazaziko ngombana kungenzeka bona bengekhe bakghona ukuzenzela wabo umtjhado./Ngiyavumelana nesenzo samaSewula Afrika sokusiza iinthandani ebangazaziko ngombana lokho kutjengisa ukusekelana njengesitjhaba sama-Afrika.  
(Ipendulo enembako izakwamukelwa.) (2)
- 1.1.14 linthandanezi sezizokuba bosaziwako/sezizokuhlonitjhwa babantu boke/sezizokuphila ipilo ephezulu/ sezizokufumana itjhejo eenkundleni zokuthintana.  
(Ipendulo enembako izakwamukelwa.) (2)

- 1.2      1.2.1    Abantwaba batholakala esibhedlela/emtholapilo. (1)
- 1.2.2    Sibona ngetshwayo u 'X' elivezwe esithombeni elijamele bona akulalwa emsebenzini.  
(Ipendulo enembako izakwamukelwa.) (1)
- 1.2.3    Unobangela kukobana basebenze ngokudluleleko sebadiniwe/  
kukobana bawuqedile umsebenzabo./Azisekho iingulani ekufanele  
bazihlinze/bazitjheje.  
(Ipendulo enembako izakwamukelwa.) (2)
- 1.2.4    - Ngingaqatjha abasebenzi abaneleko.  
- Ngingaqinisekisa bona babe namalanga wokuphumula aneleko.  
- Ngingaqinisekisa bona barhola kuhle.  
(Ipendulo enembako izakwamukelwa.) (2)  
[30]

**IMITLOMELO YESIGABA A:**    **30**

**ISIGABA B: UKURHUNYEZA****UMBUZO 2**

Ukutshwaywa kwesirhunyezo kusekufakeni amaphuzu anembako nokutjhiya kwamaphuzu ananembiko.

**Ukurhunyeza okumayelana nemiphumela emihle yokudlala imidlalo.**

**Tjheja:** Imidzubhulo esekholomini yokuthoma yenzelwe ukukhumbuza abatshwayako ngemitjho edzujulwe bunqopho etheksthini.

	<b>IMIDZUBHULO</b>		<b>AMAPHUZU AQAKATHEKILEKO</b>
A.	'Lokha nawudlala imidlalo ufumana nekghono lokusebenzisana nabanye abantu.'	1.	Ukudlala kukupha ikghono lokusebenza nabanye abantu.
B.	'Umzimbakho ukghona ukwehla ube sezingeni elifunwa nguwe.'	2.	Ubudisi bomzimbakho behla ngendlela ofuna ngayo.
C	'Ukudlala kwehlisa ukugandeleleka ngokomkhumbulo ebadlalini.'	3.	Igandeleleko ngokomkhumbulo liyehla.
D.	'Yeke-ke ukudlala kwakha ikghono lokuba mdosiphambili.'	4.	Ukhulisa ikghono lokuba mdosiphambili.
E.	'Kanengi abantu abadlala imidlalo bavame ukudlala nabantu abangabaziko kodwana bagcine sele bakhe ubungani obuqinileko.'	5.	Emidlalweni kwakheka isikhozi esiqinileko.
F.	'Ukghona ukulala ngcono ngemva kokobana udlale umdlalo othize.'	6.	Ubuthongo behla kamnandi ngemva komdlalo.
G.	'Ukghona ukuphila isikhathi eside khulu nawuzibandakanya ekudlaleni imidlalo.'	7.	Amalangakho wokuphila ayangezeleleka nawuzibandakanya emdlalweni. (33)

**IGRIDY YOKUTSHWAYA UKURHUNYEZA****Isirhunyezo kumele sitshwaywe ngalendlela:**

- **Ukwabiwa kwemitolomelo:**
  - 7 imitolomelo emaphuzwini ali-7 (Umtlomelo owo-1 kilelo nalelo phuzu elilungileko.)
  - 3 imitolomelo yelimi
  - Inani loke: 10
- **Ukwabiwa kwemitolomelo yelimi lokha ohlolwako nakasebenzise amagamakhe.**
  - 1-3 yamaphuzu alungileko: nikela umtlomelo owo-1 welimi.
  - 4-5 yamaphuzu alungileko: nikela imitolomelo emi-2 yelimi.
  - 6-7 yamaphuzu alungileko: nikela imitolomelo emi-3 yelimi.

- **Ukwabiwa kwemitlomelo yelimi lokha umfundi nakadzubhule imitjho njengoba injalo etheksthini:**

- 6 - 7 yemidzubhulo: **unganikeli** umtlomelo welimi.
- 4 - 5 yemidzubhulo: nikela umtlomelo owo-1 welimi.
- 2 - 3 yemidzubhulo: nikela imitlomelo emi -2 yelimi.

**TJHEJA:**

- **Ukubala amagama:**

- Abatshwayi kumele baqinisekise inani lamagama asetjenzisweko.
- Ungaphunguli imitlomelo nangabe ohlolwako azange atjengise inani lamagama alisebenzisileko namkha nangabe inani atlole bona ulisebenzisile akusingilo.
- Nangabe ubude obulindelweko budlulile, funda bewufike emutjhweni wokugcina wenani elibekwe ngehla bese ungasakutjheja okhunye okusirhunyezo.

**IMITLOMELO YESIGABA B: 10**

**ISIGABA C: IZAKHI NEMITHETJHWANA YOKUSETJENZISWA KWELIMI****UMBUZO 3****Ukutshwaywa kwesigaba C**

- Ukupeleda:
  - Iimpendulo ezifuna igama linye kumele zitlonyeliswe nanyana kungakapeledwa kuhle, ngaphandle kobana iphoso eyenziweko itjhugulula okutjhiwo ligamelo/yihlathululo yegamelo.
  - Eempendulweni ezimumutjho opheleleko, ukungapeledi kuhle akujeziswe nangabe iimphoso zisesakhiweni selimi elihlolwako.
  - Nangabe kuhlolwa isirhunyezo, ipendulo kumele ibe netshwayo elifaneleko (ungci).
- Ukwakheka kwemitjho kumele kukhambelane nehlelo begodu kunikelwe ngemitjho ezeleko njengokutjho komlayo.
- Emibuzweni la kukhethwa ipendulo enembako, yamukela KOKUBILI iledere elikhambisana nependulo engiyo NOFANA ipendulo nayitolwe ngokuzeleko.

- 3.1 - Amagama akhangisakonofana adosako atlolwe ngamagama amakhulu/amagabhadlhela.  
       - Isithombe salokho okukhangiswako siveziwe.  
       - Inani lalokho okukhangiswako liveziwe.  
       - Imibandela itlolwe ngamagama amancani.  
       (Zimbili iimpendulo kezingehla.) (2)
- 3.2 Awusuye umuntu omutjha nawunganaye ufunjathwako Io./Gijimele eSoKosi *Electronics* uzozitholela wakho simahla ube sezingeni. (1)
- 3.3 Amagama athi '*Electronics*' atlolwe ngokutjhigamileko ngombana kumagama wesiNgisi hlangana namagama wesiNdebele. (1)
- 3.4 Simahla. (1)
- 3.5 Nawufuna isikolodo iza nencwajana yomrholo. (1)
- 3.6 B/Lokubandlulula ngokweminyaka. (1)
- 3.7 Ungadiselwa ziinyawo uletha umqondo wokobana ungafiki ngemva kwesikhathi/ungariyadi. (1)
- 3.8 Isikhangiswesi emagameni avezwe phezulu kuvezwe bona woke umuntu uvumelekile kodwana emibandeleni kuvezwe bona kuthengiselwa abarhola ngehla kwee-R3 000,00 ngenyanga./kuthengiselwa abatjha abaphakathi kweminyaka ema-20 ukuya eminyakeni ema-35.  
       Esikhangisweni kuthiya ufunjathwako lo utholakala simahla kodwana emibandeleni kuvela bona uyathengiswa. (2)

**UMBUZO 4**

- 4.1 Basesitolo esithengisa ukudla okuphekelwe safuthi./Base-restaurant. (1)
- 4.2 - Baphethe ibhugu ekutlolwe kiyo imihlobo yokudla etholakala esitolwesi. (1)  
- Bahlezi eentulweni ezinetafula abazokudlela kiyo. (1)
- 4.3 Mkami. (1)
- 4.4 Angizokuthanda bengiye kibobamkhulu. (1)
- 4.5 Umma esekhathunini uthokoza ukudlakazi okungaka. (1)
- 4.6 D/Ipendulo ngu A no C. (2)
- 4.7 linkulumezi ziyakhambelana ngombana umma lo ukhutjhwe ngelanga leenthandani nekuyinto ekhambisana nethando elifikazelwa ngubaba lo nakathi ithando ebekanalo lisesekhona nanje begodu selingezelelekile. Esithombeni sibona baphethe iincwajana ekufanele bakhetha kizo ukudla abafuna ukukudla. (2)
- [10]**

**UMBUZO 5**

- 5.1
- 5.1.1 Ungalali ungakahloli bona iimBalo neSayensi zisakwazi na. (2)
- 5.1.2 Lisuselwe esenzweni 'phumelela'/phuma. (1)
- 5.1.3 Undebembili u 'm' utjhuguluke waba ngulwangeni/ngurhwalabha u 'ny' (2)
- 5.1.4 Yipambosi yokwenzisa.  
Yipambosi yokwenzana.  
(Yinye ipendulo kezingehla.) (1)
- 5.1.5 Mntanami unjengekwekwezana./Mntanami ufana nekwekwezana. (2)
- 5.1.6 A/isisaga. (2)
- 5.1.7 - Limumethe ilimi lokuthaba. (1)  
- Lisetjenziswa lokha nawuthokozisa umuntu. (1)
- 5.1.8 Esandleni.  
UBesabakhe akazibhadelele naye ngombana esandleni sakhe ufumbethe imali.  
(Ipendulo ezinembako zizakwamukelwa.) (2)
- 5.2
- 5.2.1 Abantu kuzitjheja nabafuna ukuphila kuhle. (2)
- 5.2.2 Ukudla okunganamafutha kuphekwe ngumma. (1)
- 5.2.3 Lo uyithanda khulu itjhukela. (1)
- 5.2.4 Ugogo upheke utjwala bamabele.  
(Ipendulo enembako izakwamukelwa) (2)
- [20]**

**IMITLOMELO YESIGABA C:**  
**INANI LOKE:**

40

80